



Page: 10

Reach: 0

Country: BOSNIA AND HERZEGOVINA

Size: 400 cm2

1 / 2

Akcija "List 1" BUDŽET BiH OŠTEĆEN ZA 1,2 MILIONA KM Zaplijenjeno deset TONA DUVANA

Prodali 15 tona duvana U akciji je pretreseno 10 lokacija, a privedeni su osumnjičeni da su ove godine na tržište u BiH plasirali najmanje 15 tona rezanog duvana za koji nisu plaćene dadžbine

Snježana Karić

Tuzla

Pripadnici SIPA priveli su juče osam lica osumnjičenih za krijumčarenje duvana u BiH! Prema saznanjima Pressa, u akciji "List 1", zaplijenjeno je više od deset tona duvana, kao i mašine za njegovo rezanje i razni drugi predmeti stečeni nelegalnom prodajom ove visokotarifne akcizne robe.

U toku je potraga za još tri lica koja se, prema prikupljenim policijskim informacijama, nalaze van teritorije BiH. Grupi se stavlja na teret da je u toku ove godine na tržište u BiH plasirala najmanje 15 tona rezanog duvana, za koji nisu plaćene dadžbine, čime je budžet BiH oštećen za 1,2 miliona maraka.

Mehmedalija Osmić, šef Odsjeka za sprovođenje propisa UIO BiH u Regionalnom centru Tuzla, rekao je da među uhapšenima nema njihovih službenika. Istakao je da je u pitanju organizovana kriminalna grupa koja obuhvata više ljudi i koja je oštetila budžet BiH za ogromne sume novca. Osmić je podsjetio da akcize za jedan kilogram usitnjenog lista duvana iznose

između 90 i 100 KM, i da se samim tim može izračunati koliko je to novca kada je u pitanju 10 tona duvana.

Organizovani kriminal

Ne želeći da govore o imenima uhapšenih, u SIPA su naveli da je akcija pokrenuta rano ujutro, u više opština u BiH, i da su u nju uključeni i pripadnici Uprave za indirektno oporezivanje BiH, MUP-a RS, MUP-a Tuzlanskog kantona, MUP-a Kantona Sarajevo i policije Brčko distrikta. Dodali su da su u ovoj akciji pretreseni objekti na 10 lokacija na području opština Tuzla, Bijeljina, Srebrenik, Gradačac, Brčko, Sarajevo i Istočno Sarajevo, i da se uhapšenima na teret stavlja organizovani kriminal u vezi sa nedozvoljenim prometom akciznih proizvoda.

- Pripadnici ove organizovane kriminalne grupe su osumnjičeni da su u periodu od marta do oktobra ove godine, radi sticanja protivpravne imovinske koristi, neovlašćeno prodavali veće količine rezanog duvana, bez njegovog prethodnog obilje-

žavanja akciznim markicama i plaćanja obavezne akcize. To je rađeno tako što je prvoosumnjičeni kupovao duvan u listu, organizovao njegovo rezanje, preradu i pakovanje u različitim količinama, a potom prodavao posrednicima koji su rezani duvan plasirali na tržište BiH - naveli su u SIPA. Dodaju da je prema preliminarnim procjenama, ova grupa u nave-

Page: 10

Reach: 0

Country: BOSNIA AND HERZEGOVINA

Size: 400 cm2

2 / 2

Od akciza stotine miliona KM

tajne podatke o istrazi koja se vodi protiv njih.

Ratko Kovačević, portparol UIO BiH, rekao je da je u prošloj godini u budžet BiH uplaćeno čak 758 miliona maraka na osnovu akciza na duvan i duvanske preradevine, dok je u prvih devet mjeseci ove godine taj iznos dosegao 621 milion maraka. Zbog toga, ističe on, ne čudi pokušaj kriminalaca da izbjegnu plaćanje akciza i ilegalno prodaju duvan u BiH. On je pojasnio da će odlukom Suda BiH svih 35 tona duvana, oduzetih u prošloj akciji "List" biti prodato i uplaćeno u državni budžet, što do sada nije bila praksa, već je zaplijenjena visokotarifna roba uništavana.

denom periodu zaradila najmanje 80.000 maraka od prodaje duvana, dok je istovremeno budžet BiH oštećen za 1,2 miliona KM.

Tržište u BiH i Hrvatskoj

Ni u Tužilaštvu BiH juče nisu željeli da govore o imenima uhapšenih, ističući da će detalje moći saopštiti tek nakon što donesu odluku o njihovom daljnjem statusu. Dodali su da je grupa, osim u BiH, duvan krijumčarila i prodavala i na teritoriji Hrvatske.

Istakli su da su jučerašnji pretresi i privođenja samo nastavak akcije "List", koja je pokrenuta sredinom jula ove godine, kada je oduzeto oko 35 tona duvana i nekoliko mašina za rezanje duvana, koji je nezakonito prodavao u BiH. Dodaju da je akcija pripremana više mjeseci i da je istraga pokazala da su osumnjičeni uvozili duvan u BiH, koji nije bio zakonski prometovan, jer na njega nisu plaćene akcize i PDV.

Podsjećamo, u akciji "List" u julu ove godine privedena su 33 lica, a pored duvana i mašina za njegovo sječenje, oduzeto je još i 150 kartona cigareta bez dokumentacije o porijeklu, kao i veća količina novca. Uhapšenima se na teret stavljalo da su od marta do juna ove godine sa teritorije Srbije uvezli u BiH više od 220 tona duvana, za koji nisu platili akcizu i PDV.

Prevara je rađena tako što su osumnjičeni u BiH uvozili duvan u listu, koji inače nije akcizni proizvod i za njega se ne plaćaju carine i druge dažbine. Nakon uvoza duvan su sitnili i dalje preprodavali na teritoriji BiH. Na taj način su krijumčari oštetili državni budžet za više od 18 miliona maraka. Među privedenima se nalazila i jedna službenica UIO BiH, koja je osumnjičena da je radila u dosluhu sa švercerima duvana, odavajući im



NELEGALNO PRODAVALI AKCIZNU ROBU Privođenje osumnjičenog